

ARC oo soo saartay warbixin sannadeedkeeda 2021

Hay'adda gargaarka Afrika (ARC), waxa ay soo saartay Warbixin sannadeedkeedii 2021 oo ay kaga hadlayso waxqabadkii iyo guulihii ay ka soo hoysay hawlaha bani'aadamnimo, samafal, horumarineed iyo barnamijyada arrimaha bulshada ee ay ka hirgeliso dhammaan gobollada iyo deegaannada Soomaalida ee Geeska Afrika. Warbixintaas oo ku diyaarsan afafka Soomaaliga iyo Carabiga.



Eeg bogga 6aad>>

Ceel-riig biyo macaan leh oo laga hirgeliyay deegaanka Botor ee gobalka Gebiley.



Eeg bogga 3aad>>



جمعية الرحمة العالمية
Rahma International Society

مسارات خيرية

CHARITABLE PATHS



Warside bille ah oo ay soo saarto hay'adda Gargaarka Africa 'ARC
FEB 2022 - CADADKA 6 - JANUARY, SOMALILAND



Eeg bogga 2aad>>

ARC: Kulan-Hawleed Lagaga Hadlay Qorshe Istaraatijiyadeedka Shanta Sanno Ee Soo Socda

Ceel Biyoood Iyo Masaajid Laga Hirgeliyey Degmada Afoogooye



Bogga 3aad



Bogga 4aad

Ardayda Dugsiyada Ay Gacanta Ku Hayso ARC Oo Dib Uga Soo Noqday Fasax Sannadeedkii

Shirka Qaran Ee Horumarinta Waxbarashada JSL



Bogga 4aad



Bogga 5aad

Hargeysa - Furitaanka sadex xaruumud ee xiftiga Qur'aanka Kariimka

GUDAHA KA AKHRI

Waaxda Xisaabaadka Ee ARC Oo La abaalmariyey



Bogga 2aad



Bogga 3aad

Dhagax dhigga dhismeyaal lagu kordhinayo dugsiyaal Hablaha Alnuur, Boorama

ARC oo Ka Qaybgashay Kulanka Heer Qaran Ee Gurmadka Abaaraha



Bogga 2aad



Bogga 4aad

Boorama waxaa laga furay mofo looga faa'ideeyo daryeelka agoonta

Dhismaha xarunta agoomaha ee magaalada Boorama - bogga 4aad
Abaalmarinta Hindiseyaasha iyo Afkaarta Hal-abuurka Leh bogga 7aad

ARC: Kulan-Hawleed Lagaga Hadlay Qorshe Istaraatijiyadeedka Shanta Sanno Ee Soo Socda



Maamulka sare iyo guud ahaan hawladeennada hay'adda ARC ayaa Bilowga sannadka cusub ee 2022 isugu yimi kulan-hawleed ballaadhan oo lagu iftiiminayo qorshe istaraatijiyadeedka ARC 2022 – 2025. Guddoomiyaha guud ee hay'adda mudane Cabdiraxmaan Almucallimi ayaa hawladeennada u jeediyey hadallo dhiirrigelin ah, isaga oo ku guubaa-biyey in sannad ka cusub ay himiladooda kor u qaadaan, hal-adayg iyo dadaal kii hore ka sii badanna ugu hawlgalaan in si xirfad iyo aqoon sare ku dheehantahay ay raad ugaga tagaan dadka saboolka ah ee la caawinayo.

Guddoomiyuhu waxa uu munaasabadda kaga dhawaaqay laba hindise oo cusub oo shaqaalaha lagu dhiirrigelinayo, kuwaas oo kala ah; in la abaalmarinayo cidda keenta fikiradda hal-abuur ee ugu fiican ee horumarinta shaqada iyo ka midho dhalinteeda. Qorshahan ayaa ah in qofka shaqaalaha ahi uu maamulka u soo gudbinayo fikir maangal ah oo la fulin karo, kuna jirto danta hay'adda, hawladeennada iyo bulshaduba. Hindisaha labaad ayaa ah, 'Abaalmarin la siinayo qofka baraha bulshada ku faafiya farriinta ugu togan ee ku aaddan hay'adda iyo hawlaha samafal ee ay qabato' farriintaas oo

tirada ugu badan ee bulshada ka hesho soo dhoweyn iyo ka dareen celin. Tartankan ayaa uu guddoomiyuhu sheegay in uu yeelan doono waqti xaddidan iyo shuruudo iyo halbeeygo la gaadhsiiin doono shaqaalaha oo dhan. Dhinaca kalana mudane Mucallimi waxa uu tiriyey tirakoobyada guulaha ay hay'addu ka gaadhay mashaariicda kala duwan ee ay ka shaqayso. Isaga oo ka hadlay waxyaabaha ugu muhiimsan ee ku jira qorshaha istaraatijiyadeed ee afarta sano ee soo socda 2022 – 2025, yoolasha ugu waaweyn, meelaha ay ku jihaysantahay, hal-ku-dheggeda iyo waxyaabaha lagama maarmaanka u ah guusheeda. Waxaa iyaguna munaasabaddan ka hadlay Mudane Ciid Cabdilladiif, madaxa mashaariicda waxbarashada iyo Barbaarinta ee heer gobal, waxa aanu caddeeyey muhiimadda ay leedahay in la dejiyo qorsheyaal kor loogu qaadayo hawlaha waxbarashada ee ka socda xarumaha kala duwan ee goballada ay hay'addu ka shaqayso iyo guud ahaanba mashaariicda ay hay'addu waddo. Waxa isaguna hadal kooban ka jeediyey munaasabaddan Mudane Xuseen Mutawali, maamulaha mac-hadka farsamada gacanta ee xarunta Alkuweyt, isaga oo bogaadiyey dadka soo diyaariyey qorshe istaraatijiyadeedkan afarta sano ah.

Waaxda Xisaabaadka Ee ARC Oo Lagu abaalmarayey - Isticmaalka Barnamijka Dynamics



Guddoomiyaha guud ee hay'adda Samafalka Afrika (ARC), Cabdiraxmaan Almucallimi ayaa waaxda xisaabaadka ee hay'adda guddoonsiiyey shahaado sharaf ay ku mutaysatay kaalinta sare ee ay ka gashay ku shaqaynta Barnamij xisaabeedka 'Dynamics'. Waaxda maaliyadda ee ARC ayaa kaalinta labaad ka gashay liiska ku shaqaynta wanaagsan ee barnamij xisaabeedka Dynamics ee xafiisyada hay'adda Caalamiga ah ee ALRAXMA ay ku leedahay dunida oo dhan. Mudane Mucallimi oo hadal ka jeediyey munaasabadda kooban oo sabsabadii 5-ta Febbruary 2022, xarunta ARC uu shahaado sharafta ku guddoonsiinayey waaxda xisaabaadka, waxa uu sheegay sida uu ugu faraxsan yahay sarraynta shaqo ee waaxda xisaabaadka. Waxa aanu u rajeeyey in ay sii wadaan horumarka iyo hal-abuurka shaqo ee ay abaalmarintak u mutaysteen, isaga oo hoosta ka xariiqay muhiimadda ay leedahay horusocod joogto ah oo lagu hirgeliyo iskaashi wadareed, iyo in laga gudbo caqaba-

daha, si guusha hore loogu gaadho. Kaaliyaha agaasinka guud iyo waaxyaha Arrimaha maaliyadda, iyo cududda shaqaalaha ee Kuweyt, ayaa iyaguna xafiiska ARC ku bogaadiyey maamuusidda shaqowanaagga iyo waxqabadka waaxda maaliyadda. Dhinaca kalana guddoomiye Mucallimi waxa uu waaxda xisaabaadka ARC soo gaadhsiiyey hambalyo iyo bogaadin uga timid maamulka waaxda Afrika ee hay'adda ALRAXMA iyo sida oo kale golaha sare ee ARC. maamulaha waaxda xisaabaadka ee ARC, mudane Axmed Cabdiladiif oo isaguna munaasabadda ka hadlay ayaa sheegay farxadda ay isaga iyo hawladeennada waaxdaba u tahay maamuusiddani, waxa aanu hoosta ka xariiqay in guushani ay ku timi iskaashiga iyo shaqo-wadareedka waaxda. Munaasabadda waxa kale oo ka soo qaybgalay maamulaha iyo hawladeennada waaxda xisaabaadka ee xarunta dhexe ee Hargeysa, Somaliland.

ARC Waxa Ay Ka Qaybgashay Kulanka Heer Qaran Ee Gurmada Abaaraha

Masuuliyiin ka socota hay'adda gargaarka Afrika ayaa ka qaybgalay kulan heer qaran ahaa oo lagaga wada hadlayey u diyaargarowga hawlgaha gurmada degdegga ah ee la gaadhsiiinayo dadka ay abaaruhu wax yeelleeyeen. Kulankan oo uu isugu yeedhay madaxweyne ku xigeenka Somaliland mudane Cabdiraxmaan Cabdillaahi Saylici, waxaa lagaga wada hadlay hannaanka iskaashi ee loo mari karo dadaallada gurmada degdegga ah ee abaaraha waqtigan ka jira dhul ballaadhan oo ka mid ah Somaliland. Kulanka waxaa ARC ku metelayey Madaxa waaxda mashaariicda, Mudane Cabdarxmaan Al-Thaamir iyo agaasimaha xidhiidhka dadweynaha ee ARC, waxaa iyaguna ka soo qaybgalay madax, masuuliyiin iyo wakiillo ka socda hay'adaha Caalamiga ah iyo kuwa maxalliga ah ee ka shaqeeya Somaliland.





Ceel Biyood Iyo Masaajid Laga Hirgeliyey Degmada Afgooye

Hay'adda Gargaarka Afrika (ARC) ayaa xadhiga ka jartay Masaajid iyo ceel-qacmeed biyo macaan leh oo loogu magacdaray marxuum Rashid Mubaarak Al Sharmowkh. Masaajidkan iyo ceelka ayaa laga hirgeliyey degmada Afgooye ee gobalka Shabeelaha hoose ee Soomaaliya.

Ceelkan ayaa waxaa ka faa'iiday-san doona dad ay tiradoodu ka badan tahay kun qoys oo deegaankaas ka mid ah. dhinaca kalana masaajidka waxaa halkii mar ku tukan kara 162 ruux.

Ceelbiyood Gebiley Laga Hirgeliyey



Hay'adda Gargaarka Afrika ayaa xadhiga ka jartay ceel-riig, biyo macaan leh oo ay ka hirgelisay deegaanka Botor ee gobalka Gebiley.

Ceelkan oo loogu magacdaray Alle ha ka raalli ahaado ee asxaabigii Jacfar Bin Abi Daalib, waxaa raacsan nidaamka biyo-soo-tuurista oo ku shaqaynaya korontada cadceedda laga dhaliyo (Solar), kayd biyood qaadaya 180 meter, dar-biyood ka ilaashan bakteeriyada oo ay dadku ka cabbayaan iyo darar Xoolaha laga waraabinayo.

Waxa mashruucan ka faa'iiday-san doona in ka badan 1500 oo qoys oo qoys, kuwaas oo celcelis ahaan noqonaya 10 kun oo muwaadin, iyo sida oo kale dadka deggen shan tuule oo ku dhow deegaanka ceelka laga qoday.

Xadhig ka jaridda ceelka Jac-

far Bin Abi Daalib waxaa ka soo qaybgalay xoghaya gobalka Gebiley mudane Cabdiraxmaan Nuux Dhidar, isu-duwaha wasaaradda biyaha ee gobalka Axmed Cismaan iyo qaybo ka mid ah masuuliyiinta deegaanka iyo bulshada rayidka ah.

Mudane Cabdiraxmaan Dhidar oo goobtan hadal kooban ka jeediyey ayaa hay'adda ALRAXMA uga mahadnaqay maalgelinta, sida oo kalana Isuduwaha wasaaradda horumarinta biyaha ee gobalka Gebiley ayaa soo dhoweeyey ceelbiyoodkan oo uu sheegay in uu yahay meel aad ugu habboon, marka la eego baahida biyood ee ka jirta deegaankaas.

Ceelkani waxa uu qayb ka yahay mashraaciida samafal ee ay hay'adda ARC ka fuliso Somaliland, kuwaas oo ay maalgeliso hay'adda Caalamiga ah ee ALRAXMA ee dalka Kuweyt.

Guddoomiyaha hay'adda ARC Cabdiraxmaan Almucallimi oo isaguna munaasabadda ka hadlay ayaa hay'adda ALRAXMA uga mahadnaqay maalgelinta ceelkan iyo guud ahaan hawlaha samafal ee ay ARC ka hirgeliso Somaliland. Waxa uu intaas ku daray in ceelasha ay ARC qoddo oo biyo nadiifa laga soo saaraa ay kaalin weyn ka qaadanayaan caafimaadka guud ee bulshada gaar ahaan Dhallaanka, Haweenka iyo dadka da'da ah.

Dad u badan haween iyo carruur ka mid ah deegaanka ceelkan laga qoday ayaa damaashaad iyo farxad ku soo dhoweeyey ceelbiyoodkan oo wax badan ka tari doona baahida biyood ee deegaanka Botor, gaar ahaan xilliya-



Guddi Ka Socota ARC oo booqasho indha-indhayn ah ugu tegey shirkadaha soo dalbaday qandaraaska dhismaha cisbitaalka Caalamiga ah

Guddida farsamo oo ka tirsan waaxyaha iibka iyo xeeldheereyaasha mashaariicda dhismaha ee hay'adda gargaarka Afrika ayaa booqasho ugu tegey shirkadaha soo codsaday qandaraaska dhismaha cusub ee cisbitaalka Caalamiga ah ee Hargeysa. Guddidu waxa ay soo indha-indheeyeen hannaanka shaqo ee shirkadahan, iyaga oo hubin iyo dabagal ku sameeyey waxyaabaha ay codsiyadooda ku soo lifaaqeen ee ay ka mid yihiin liisaska waxqabadyadooda hore iyo Sawirrada iyo nashqadaha hawlaha la midka ah dhismaha cisbitaalka ee ay

hore u soo qabteen, iyo sida oo kale liisaska hawladeennada muhiimka ah ee farsamada iyo kuwa ku takhasusay hawlaha dhisme ee noocaas ah.

Bishii Oktoobar ee sannadkii 2021 ka ayaa ay hay'adda ARC ku dhawaaqday tartanka qandaraaska dhismaha cisbitaalka Caalamiga ah iyo dhisme hoy ah oo laga hirgelinayo xaafadda Masallaha ee magaalada Hargeysa, Somaliland.

Naadintan qandaraaslayaasha ayaa qayb ka ahayd dadaal ay ARC ku doonayso in ay hesho tirada ugu badan ee ah shirkadaha

dhismaha heerkoodu sarreeyo ee rukhsadaha shaqo ka haysta jamhuuriyadda Somaliland, iyo dalalka Carabta ama xitaa dunida kale. Waxa aanay shuruud kaga dhigtay halbeeygo injineeriyadeed iyo farsamo oo aad u xeeldheer, casrina ah.

30 shirkadood ayaa soo xaraystay codsiyada qandaraaska, qiimayn ay guddi xeeldheereyaal ahi ku sameeyeen ayaana lagu soo xulay 12 ka mid ah shirkadahaas, si ugu dambaynta looga sii dhex saaro shirkadda mashruucaas dhisme qaadanaysa.

Dhismaha Moofada Burco - Somaliland

Hay'adda Gargaarka Afrika ayaa dhagaxdhigtay mashruuca dhismaha moofa loogu talagalay xarunta agoomaha ee magaalada Burco ee jamhuuriyadda Somaliland. Moofadan oo ka kooban qaybta foornooyinka, qolka khamiirinta, qolka qooshka, istoodh iyo xafiiska maamulka iyo kor-meerka, ayaa qayb ka ah mashaariicda samafalka iyo Horumarinta ee ujeedooyinkooda ay ka mid yihiin, shaqa-abuurka, quudinta ardayda hoyga xarunta waxbarashada deggen, gaar ahaan agoonta qaybaha kala duwan ee waxbarashada, oo ay ka mid yihiin xarumaha waxbarashada, mac-hadyada farsamada gacanta, iyo sida oo kale in la hirgeliyo mabda'a ah isku filnaanshiyaha oo inta waxsoosaarka laga iibiyo suuqyada maxalliga ah, dakhliga ka soo xarooda loo adeegsanayo horumarinta adeegyada samafal ee ay hay'adda ARC u hayso bulshada.

Mashruucani waxa uu ka mid yahay mashaariicda waxsoosaar ee ay hay'adda gargaarka Afrika ka fuliso magaaloyinka iyo deegaannada kala duwan ee Somaliland iyo Soomaaliya. Waxaa xusid mudan in mashaariicda waxsoosaar ee hay'addan ay ujeedadoodu tahay in la helo hindise lagu higsanayo in la abuurto fursado waxsoosaar oo ay ka mid yihiin, beeraha, warshadaha, horumarinta iyo xirfadaha. Taas oo xoogga saaraysa daraasaynta baahiyaha suuqyada maxalliga ah iyo waxsoosaarka si loo buuxiyo baahiyaha jira.



Dhagax dhigga dhismeyaal lagu kordhinayo dugsiga Hablaha Alnuur, Boorama

Waxaa la dhagaxdhigay dhismeyaal dheeraad ah oo ay hay'adda Gargaarka Afrika ku kordhinayso dugsiga hablaha ee xarunta waxbarashada Al-Nuur ee magaalada Boorama. Dugsiga oo ka mid ah Goobaha waxbarasho ee ay hay'adda ARC gacanta ku hayso ayaa lagu kordhinayaa laba fasal oo qalabayntoodu u dhammaystirantahay, qol macallimiinta loogu talagalay iyo sallaanka dabaqa sare ee dhismaha dugsiga.

Waxaa la filayaa in dhismahan iyo diyaarintiisu uu dhammaystirni doonto dabayaaqada sannad dugsiiyeedkan 2021/2022.



Shirka Qaran Ee Horumarinta Waxbarashada JSL

Maasuuliyiin ka socda waaxda waxbarashada ee hay'adda Gargaarka Afrika (ARC) ayaa ka qaybgalay shirka qaran ee Horumarinta waxbarashada Somaliland oo ka qabsoomay magaalada Hargeysa. Mudane Ciid Cabdilaatiif, madaxa waaxda waxbarashada ee ARC iyo madaxa xidhiidhka dadweynaha ee waaxdaas mudane Yuusuf Cabdillaahi (Khidmo) ayaa hay'adda ku metelay shirkaas oo mud-do saddex maalmood ah socday.

Shirkan oo sannadle ah waxaa sannadkan lagu dejinayey istaraatiijiyadda waxbarashada qaranka ee shanta sano ee soo socda 2022 – 2026, taas oo aasaas looga dhigay maamul-daadejinta iyo maamul wanaagga, fidinta waxbarashada oo ay ka mid tahay kordhinta dhismeyasha dugsiyada iyo dhiirrigelinta waxbarashada Carruurta deggen dhulka magaaloooyinka ka fog.

Shirka oo uu furay madaxweyne ku xigeenka Jamhuuriyadda Somaliland, Mudane Cabdiraxmaan Saylici waxaa ka soo qaybgalay wasiirka iyo masuuliyiinta wasaaradda waxbarashada iyo hay'adaha dawladaha ee waxbarashada la xidhiidha, madaxda hay'adaha caalamiga ah ee waxbarashada ka caawiya Somaliland, madaxa hay'adaha qaadhaan bixiyeyaasha waxbarashada ee ku midaysan mashruuca (Global Partnership for Education -GPE), masuuliyiin



kale oo tiro badan oo ka tirsan bahda waxbarashada Somaliland iyo urururada maxaliga ee Somaliland.

Hay'adda ARC ayaa ka mid ah hay'adaha Caalamiga ah ee sida tooska ah uga qaybqaata waxbarashada Somaliland, waxa aanay gacanta ku haysaa dugsiyo hoose / dhexe iyo sare, xarumo waxbarasho iyo mac-hadyada farsamada gacanta iyo xirfadaha oo ku yaalla gobollada dalka, kuwaas oo ay maalgeliso hay'adda ALRAXMA.

Boorama waxaa laga furay Mofo looga faa'iidayn doono daryeelka agoomaha



Waxaa xadhiga laga jaray moofada samafal iyo horumar ee ay hay'adda gargaarka Afrika u dhis-tay degsiimada iyo xarunta agoomaha ee magaalada Boorama, Somaliland. Mashruucan ayaa ka kooban moofada oo ku fadhida dhul bedkiisu yahay 200 oo

mitir, qolka cajiinka / qooshka iyo khamiirinta, Istoodhka iyo iibka foorno ay u dhammaystiran yihiin dhammaan qalabkii iyo agabkii ay u baahnayd ku jiraan. Waxaa xusid mudan ujeedada mashruucan ay ahayd in la helo il waxsoosaar oo laga kaalmeeyo

baahiyaha agoonta ku xaraysan xarunta Alnuur ee Boorama, iyada oo uu waxsoosaarkeedu ka mid noqon doono cuntooyinka agoonta la siinayo iyo in la iibiyo dheeraadka si dhaqalaha ka soo xarooda loogu daro baahiyaha maamul ee xarunta agoonta.

Dhismaha xarunta agoomaha ee Alnuur ee magaalada Boorama

Waxaa magaalada Boorama laga dhagaxdhigay dhisme loogu talagalay agoomaha oo ay hay'adda Gargaarka Afrika ka hirgelineyso meel ku dhow xarunta waxbarashada ee Boorama.

Dhismaha cusub oo ku fadhiga dhul Bedkiisu dhan yahay 750 mitir, waxa uu ka koobanyahay 4 dhisme oo ah hoyga ay agoonta degi doonto, Qolka kormeerka, Hoolka cuntaynta, Qolka duruus raacashada, Qolka kaydka (Bakhaar) oo si buuxda loo qalabeeyey iyo lix Xamaam.

Mudane Cabdiqaadir Muxamed Axmed, kormeeraha

xafiiska Boorama ee hay'ad-da Gargaarka Afrika, ayaa sheegay in mashruucani uu marag u yahay muhiimadda ay dhinacyada hawshan wadaa siinayaan agoonta oo ah qayb bulshada ka mid ah oo u baahan daryeel, kaalmayn iyo diyaarin.

Dhinaca kalana waxa uu bogaadiyey iyo mahadnaq u diray cid kasta oo kaalmaysay ama gacan ka geysatay hirgelinta mashruucan samafal, kuwaas oo uu ugu horreeyo Agaasinka guud ee awqafta dalka Kuweyt iyo hay'adda Caalamiga ah ee ALRAXMA.



Furitaanka saddex Xarumood oo lagu barto Qur'aanka Kariimka ah



Hay'adda Gargaarka Afrika ayaa xadhiga ka jirtay saddex xaruumood oo cusub oo loogu talagalay xifdiga Qur'aanka Kariimka ah. Xarumahan oo kala ah; xarunta Ibnu Aljasari oo qaadaysa 29 arday, xarunta Al-Atrijah oo qaadaysa 29 arday iyo xarunta Alkuweyt oo qaadaysa 57 arday, waxa ay qayb ka yihiin barnaamijka Al-Shafiic oo loogu talagalay xifdiga Qur'aanka Kariimka ah, Barashada culuumta iyo fahamka Qur'aanka iyo barbaarinta wanaagsan. Mashruuca dhismaha xaruma-

han waxaa maalgelisay hay'adda Caalamiga ah ee Alkhayriya Al-Islaamiya ee dalka Kuweyt. Waxa aanu ku dhisan istaraatiijiyad ah in muddo aan 4 sano ka badnayn qur'aanka Kariimka ah lagu xifdsiiyo ardayda da'da toddoba jirka gaadhay. Mashruuca ayaa ay ujeedadiisu tahay daryeelka iyo in si waafaqsan shareecada islaamka loo barbaariyo bulshada soo kacaysa, iyo sida oo kale in laga qaybqaato kor u qaadista heerka xafidista Qur'aanka Kariimka ah iyo Barashadiisa.



Ardayda Dugsiyada Ay Gacanta Ku Hayso ARC Oo Dib Uga Soo Noqday Fasax Sannadeedkii



Arday tiradoodu ka badan tahay 9 kun ayaa 2dii Jeenaweri 2022, dib ugu soo noqday dugsiyada ay gacanta ku hayso hay'adda Gargaarka Afrika, kaddib markii ay soo dhammaysteen fasaxii weynaa ee sannad dugsiyeedkii 2020 / 2021. Dugsiyada ay maamusho ARC ayaa sannad dugsiyeedka cusub ee 2021/2022 waxa ay ardayda ku qaabileen tallaabooyin cusub oo

lagaga hortegayo faafitaanka 'Coronavirus'; kuwaas oo ay ka mid yihiin in lagu adkeeyey isticmaalka af-xidhka, isticmaalka jeermis dilaha gacmaha iyo kala fogaanshiyaha. Masuuliyiin kala duwan oo ka socda waaxda waxbarashada ee ARC ayaa booqashooyin indha indhayn ah ku tegey dugsiyada kala duwan ee hay'addu maamusho si ay u kor-meeraan habsami u bilowga sannad-dugsi-

yeedka cusub. Maamulka xarunta waxbarashada ee Kuweytiga sheegay in ay dadaal geliyeen u diyaargarowga iyo qaadista tallaabooyinka lagama maarmaanka u ah soo dhoweynta ardayda, si loogu suurtageliyo jawi caafi-maad qaba, isla markaana aamin u ah ardayda iyo guud ahaanba hawl-wadeennada waxbarashada.

IN KA BADAN

977,257

QOF OO KA FAA'IDAYSTAY
MASHAARIICDAYADA

IN KA BADAN

139,605

QOYS OO KA FAA'IDAYSTAY
MASHAARIICDAYADA

Mashaariicda Dhismaha

Tirada
mashaariicda Magaca mashruuca

2	Dugsiyo
2	Xarumaha barashada xirfadaha
7	Xarumaha xafidista Qur'aanka
1	Dhagaxdhigga cisbitaallada
1	Dhismaha rugaha Caafimaadka
1	Dhismaha Xarumaha dhaqanka
33	Dhismaha Masaajidda
1	Ka qaybqaadashada dhismaha Masaajidd

Kolonyooyinka iyo Ololeyaasha caafimaadka

Tirada
mashaariicda Magaca mashruuca

1606	Qalliinada Indhaha
142	Qalliino kala duwan
1	Gaadhi Curyaan
12	Kolonyo caafimaad (Kooxo u socdaala olole caafimaad)
8	Diyaarin, Qalab iyo agab caafimaad
3	Mashaariic caafimaad oo kala duwan
31	Tababarka ardayda ka qalinjebisa kulliyadaha caafimaadka

Mashaariicda Waxbarashada

Tirada
mashaariicda Magaca mashruuca

3	Hawlgelinta xarumaha waxbarashada (Mujamacyada)
15	Hawlgelinta xarumo waxbarasho oo cusub
57	Mashaariicda kale ee waxbarashada
3	Maamulka hoyga ardayda
8	Tababarka iyo kobcinta Macallimiinta
9410	Tirada ardayda dugsiyada iyo xarumaha waxbarashada

Mashaariic xilliyeedka

Tirada
Ka faa'idayste Magaca mashruuca

328281	Mashruuca odxada
190864	Mashruuca afurinta
3318	Gurmadka dadka daadadku wax yeelleeyeen
48000	Booyadu biyo ah oo loo qaybiyey dadka abaaruhu waxyeelleeyeen
3298	ka faa'idaystayaasha Dharka Ciidda

Tababarka iyo Dhisida Awoodda

Tirada koorsooyinka	Tirada ardayda	Magaca mashruuca
5	250	Tababarka iyo aqoonta shaqaalaha
11	2035	Tababarka macalinka (koorsooyin xilliyeed)
11	344	Tababarka farsamada qacanta iyo xirfadaha
6	92	Tababar caafimaad
8	240	Tababarka farsamada gacanta ee gabdhaha
8	120	aqoon-is-weydaarsi
3	26	Ka qaybgalka koorsooyinka dibadda

47
Wadarta
mashaariicda
126,476
Ka faa'idayste

1772
Wadarta
mashaariicda
38,820
Ka faa'idayste

28
Wadarta
mashaariicda
14,955
Ka faa'idayste

305
Wadarta
mashaariicda
628,377
Ka faa'idayste

52
Wadarta
koorsooyinka
3,107
Tirada ardayda
la tababaray

642
Wadarta
mashaariicda
25,473
Ka faa'idayste

24
Wadarta
mashaariicda
10,606
Ka faa'idayste

10
Wadarta
mashaariicda
6,665
Ka faa'idayste

144
Wadarta
mashaariicda
122,778
Ka faa'idayste

Mashaariicda kobcinta iyo horumarinta

Tirada
mashaariicda Magaca mashruuca

2	Qalabaynta, diyaarinta iyo ka shaqaysiinta Moofuoyinka
25	Lo' Irmaan oo la qaybiyey
64	Gaadhi Gacan cuntada lagu iibiyo (Buudhi Taayirro leh)
42	Meherad Ganacsi (Booshari iwm...)
111	Miis ganacsi (Cunto / Miis khudradeed / Miis dhar)
146	Shandad qalab-gacmeed (Tool: Nijaaradda/Tumaal/Koronto)
147	Makiinado Dawaar
103	Xoolayn (Deeq Adhi ah)
2	Hawlgelinta Beero waxsoosaar (Beer / xoola dhiqid)

Mashaariicda bulsho

Tirada
mashaariicda Magaca mashruuca

1285	Soo iibinta iyo qaybinta Kutubta Qur'aanka iyo kutub Islaamiya
16	Guryo loo dhiso saboolka
199	Kafaara iyo Nidar gud
965	Qalliino wanqal iyo duco
83	Sadaqooyin, sakooyin, kafaaragud, masaakiin quudin

Mashaariicda kafaalaqaadka iyo daryeelka

Tirada
mashaariicda Magaca mashruuca

2626	Kafaalaqaad agoon
1709	Kafaalaqaad Arday dugsi
20	Kafaalaqaad Arday Jaamacadeed
3	Kafaalaqaad arday waxbarasho sare
70	Kafaalaqaad arday qur'aan xafid
315	Kafaalaqaad Qoys
28	Kafaalaqaad diin faafiye
1	Kafaalaqaad Bare
1	Kafaalaqaad Imaam Masjid
2	Kafaalaqaad macallin qur'aan

Mashaariicda Biyaha

Tirada
mashaariicda Magaca mashruuca

3	Ceelal Riig ah
16	Ceel dheer (Riig aan dheerayn)
122	Ceelal Gacmeed
3	Ka qaybqaadasho qodaalka ceelasha mashaariicda biyaha

A.R.C

Nagala soco

Abaalmarinta Hindiseyaasha iyo Afkaarta Hal-abuurka Leh

Guddoomiyaha guud ee hay'adda Gargaarka Afrika waxa uu bilowgii 2022 ku dhawaaqay in la abaalmarin doono, ciddii hawladeennada hay'adda ka mid ah ee keenta hindise iyo aragti hal-abuur oo waxtar u leh shaqaalaha iyo bulshada, isla markaana wanaajinaya jawiga guud ee shaqada.

Qeexda abaalmarinta:

Waa abaalmarin la siinayo qof ama wadar kasta oo ka mid ah hawladeennada hay'adda oo keena aragti iyo afkaar ama mashruuc hal-abuur oo waxtar u leh hay'adda ama / iyo bulshada, lana fulin karo.

Yoolka abaalmarinta afkaarta hal-abuurka leh

1. In la godliyo hindiseyaasha iyo hal-abuurka ku jira maskaxda hawladeennada.
2. In la abuur tartan togan oo shaqaalaha dhex mara.
3. In la abuur jawi shaqo oo niyadwanaag iyo dhiirrigelin leh.
4. In la kordhiyo isku xidhnaanta iyo iskaashiga hawladeennada, iyada oo loo marayo in la dhegeysto, lana xoojiyo afkaartooda iyo taladooda.

1. Waxaa la soo gudbinayaa Fikirka ama mashruuca oo ah qoraal ,si faahfaahsan oo sawir dhammaystiran ka bixinaya dhammaan dhinacyada mashruuca ama fikirka.
2. Waa in uu noqdaa mashruuc la fulin karo oo aan ka baxsanayn xayndaabka tamarta hay'adda iyo awooddeeda.
3. In uu yahay hal-abuur uu hawladeenka (Kooxda) soo dalbaday maskaxdiisa ka soo miiray, oo aanu ka soo dheegan ama ka soo naqlin dhinac kale ama dad kale.
4. Mashruuca waxaa la soo raacinaya dhammaan dhukumantiyada looga baahan yahay iyo lifaaqyada caawinaya in laga midha dhaliyo.
5. Hal-abuurkan iyo fikirkiisa ayaa si kooban loogu soo bandhigayaa hay'adda 'ARC' iyada ayaana xaq u leh in ay diiddo iyo in ay qaadato.

1. Dhammaan mashaariicda iyo fikradaha hal-abuur waxaa loo gudbinayaa qaybta cududda shaqaalaha, iyada oo loo marayo jidka iyo hannaanka uu xafiiska shaqaaluhu sheegi doono.
2. Guddoomiyaha guud ayaa magacaabaya guddi ka kooban 3 xubnood oo qiimeeya codsiyada.
3. Guddidaasi waxa ay shaqada qiimaynta bilaabaysaa ugu yaraan hal toddobaad kaddib marka fikirka fikirka iyo hal-abuurka loo dhiibo.
4. Haddii cadayn dheeraad ah loo baahdo, qofka codsiga keenay waxaa ku waajibaya in uu faahfaahinta iyo caddaymaha loo baahanyahay u soo gudbiyo si waafaqsan habraaca iyo hannaanka ay guddida qiimayntu dejiso.
5. Hay'addu waxa ay soo saaraysaa warbixinteeda ogolaanshiyaha ama diidmada mashruuca iyada oo raacinaysa sababaha ay u cuskatay iyo waxyaabaha xoojinaya diidmadeeda ama ogolaanshiyaheeda.
6. Haddii mashruuca la aqbalo, hay'adduna go'aansato in ay suuqgeysto fikirkaas, waxaa loo marayaa hannaan ay isla ogolyihiin hawladeenka oo lagu maamulayo dhammaan qaybihiisa kala duwan.

Qaddarka abaalmarinta waxaa jaangoynaysa hay'adda ARC oo talo iyo xidhiidh kala samaynaysa maamulkeeda sare.

Boosas Shaqo oo bannaan

Hay'adda Gargaarka Afrika (ARC)

Magaca Booska: Xoghayaha Arrimaha Waxbarashada
Goobta Shaqada: Waaxda Waxbarashada ee ARC

shuruudaha:

- Inuu yahay muwaadin u dhashay Jamhuuriyadda Somaliland.
- Da'da Aan ka yarayn 25 sano oo aan ka badnayn 35 sano.
- Luuqadaha Carabiga iyo Ingiriisiga si fiican u yaqaan marka laga reebo Soomaaliga (akhrinta, qorista iyo ku hadalka).
- Awoodda lagu diyaariyo warbixinnada maamulka oo looga shaqeeyo barnaamijyada Microsoft si xirfad leh (word- excel – powerpoint.. etc)
- Waa inuu leeyahay khibrad shaqo oo la mid ah ugu yaraan 4 sano.
- Aqoonta tacliinta: Shahaadada koowaad ee jaamacadda.
- Shahaadada anshaxa wanaagsan

Qaabka codsiga:

- Ciddii shaqadan xiisaynaysa ee shuruudaha buuxisay arjiga codsiga oo ay ku lifaaqanyihiin
- Taariikhdeeda shaqo (CV)
- Nuqullada shahaadooyinkeeda waxbarasho iyo caddaymaha waayoaragnimo
- Ha ku soo dirto Email ka Hrsom2020@gmail.com
- Inta ka horreysa maalinta Isniinta ee 17 February 2022

Cisbitaalka Caalamiga ah ee Hargeysa (HIH)

Shaqo ka bannaan cisbitaalka Caalamiga ah ee Hargeysa
Hargeysa International Hospital (HIH)

Nooca shaqada: Kalkaaliso caafimaad (Umuliso)

Shuruudaha

- In ay haysato shahaadada koowaad ee jaamacadda oo umulisonimo ah
- In ay waayoaragnimo aan 2 sanno ka yarayn u leedahay shaqadan
- In aanay da'deedu ka weynayn 35 sano jir.
- In ay dulqaad u yeelan karto culayska shaqada.
- In aanay shaqo kale haynin.
- In ay ku fiicantahay ku hadalka Carabiga iyo Soomaaliga.

Qaabka codsiga

- Ciddii shaqadan xiisaynaysa ee shuruudaha buuxisay arjiga codsiga oo ay ku lifaaqanyihiin
- Taariikhdeeda shaqo (CV)
- Nuqullada shahaadooyinkeeda waxbarasho iyo caddaymaha waayoaragnimo
- Ha ku soo dirto Email ka: arc.hil.hr@gmail.com
- Inta ka horreysa maalinta Isniinta ee 14 February